



MIÐVIKUDAGUR 24. JÚLÍ 2013
10. TÖLUBLAÐ 1. ARGANGUR
DAGSKRÁRBLAÐ STÖÐVAR 2



GAME OF THRONES

Tökur hefjast hér á landi á næstu dögum.



GLÆSTUR FERILL

Michael Cera á aðdáunarverðan feril að baki.



EMMY-VERÐLAUNIN

31 þáttur á Stöð 2 er tilnefndur til Emmy-verðlaunanna.



Á BÓLAKAFI Í GRÍNI

BJÖRN BRAGI RANNSAKAR GRÍNÞÆTTINA OG BRANDARANA SEM BREYTTU HÚMOR ÍSLENDINGA Í FRÆÐANDI OG FYNDNUM ÞÁTTUM SEM HEFJAST Á STÖÐ 2 Í ÁGÚST.

FRÁBÆR TILBOÐ Í STÖÐ 2 VILD

ÓMISSANDI Í VIKUNNI



DALLAS
Miðvikudag kl. 20.45



BREAKING BAD
Fimmtudag kl. 21.30



BESTA SVARIÐ
Föstudag kl. 20.10



TOTAL WIPEOUT UK
Laugardag kl. 19.45



CROSSING LINES
Sunnudag kl. 21.40



BOSS
Mánudag kl. 22.20



ORANGE IS THE NEW BLACK
Þriðjudag kl. 21.10



Við upptökur við Skaftafell árið 2011.

MYND/VILHELM

GAME OF THRONES AFTUR Á ÍSLANDI

Íslensk náttúra gegnir aftur stóru hlutverki í sjónvarpsþáttunum Game of Thrones sem Stöð 2 hefur sýnt en tökur standa nú yfir hér á landi. Aðdáendur víða um heim eiga þess nú kost að kaupa ferð hingað þar sem farið verður á slóðir þáttanna.

Sjónvarpsþættirnir Game of Thrones eru margverðlaunaðir og eiga aðdáendur um allan heim. Á næstu dögum hefjast tökur á fjórðu þáttaröðinni hér á landi og verður meðal annars myndað á Þingvöllum. Áður hafa tökur staðið yfir að vetrarlagi en nú verður Ísland í sumarþingningi. Tvær fyrri þáttaröðir voru einnig teknar upp að hluta til hér á landi. Leikarar þáttanna hafa fallið fyrir landinu og sagt frá því í viðtölum

víða um heim. Þar á meðal er einn aðalleikaranna, Kit Harington, sem túlkar Jon Snow í þáttunum.

Game of Thrones er risavaxið verkefni og þess vegna er ánægjulegt að Ísland hafi orðið fyrir valinu fyrir upptökur. Einnig er tekið upp í Króatíu og á Írlandi. Mikill búnaður fylgir kvikmyndatökuliðinu sem er komið til landsins og allt er að vera klárt fyrir tök. Fjöldi Íslendinga starfar við gerð þáttanna.

Þá hefur íslenska ferðaþjónustufyrirtækið The Traveling Viking í samstarfi við Iceland Travel boðið sérstakar Game of Thrones-ferðir hingað til lands frá Bretlandi. Ferðirnar hefjast í byrjun október og standa í fimm daga. Ekið verður um þá staði þar sem kvikmyndin gerist, meðal annars til Mývatns.

Talið er að rúmlega ellefu milljónir manna hafi fylgst með þriðju þáttaröðinni af Game of Thrones í

heiminum en hún var nýlega sýnd á Stöð 2. Þættirnir hafa verið tilnefndir til 26 Emmy-verðlauna og tveggja Golden Globe-verðlauna, auk annarra. Á síðasta ári hafði þáttaröðin unnið til 32 verðlauna, þar af átta Emmy-verðlauna og einna Golden Globe-verðlauna, og verið tilnefnd til 56 annarra verðlauna. Leikarinn Peter Dinklage, sem fer með hlutverk Tyrion Lannister, hefur hlotið flest verðlaun fyrir leik sinn í þáttunum.

ÁHORFANDI VIKUNNAR FORFALLINN FANTASÍUAÐDÁANDI

Uppáhaldsþættir Sigríðar Maríu Egilsdóttur, ræðumanns Íslands, eru Game of Thrones og Newsroom. „Game of Thrones eru fyrir fantasíuaðdáendur eins og mig. Fyrir mér eru þeir eins og nammiland fyrir nammiflukum á laugardögum.“

„Newsroom er svo algjört meistaraverk. Þættirnir eru fullkomin blanda. Þeir eru upplýsandi, dramatískir og myndnir, ásamt því að vera skuggalega vel skrifaðir,“ segir Sigríður María. „Svo eru þættirnir Parks and Recreation yndislegir. Amy Poehler er svo brjálæðislega myndin.“ Sigríður segist ekki geta beðið eftir því að Jon Stewart byrji aftur að stjórna The Daily Show og hún bíður spennu eftir nýrri þáttaröð af Newsroom.

Nýverið kom út á netinu fyrirlestur sem Sigríður María flutti. Hann var birtur á ted.com, sem er ein frægasta fyrirlestrasíða í heimi. Í fyrirlestrinum fjallaði hún um feminisma. Fyrirlesturinn hefur fengið frábær viðbrögð um allan heim.



Uppáhaldsþættir Sigríðar eru Game of Thrones og Newsroom.

HÆFILEIKA- MAÐURINN CERA

Michael Cera leikur George Michael í Arrested Development. Þrátt fyrir ungan aldur er ferill Cera afar aðdáunarverður.

**ARRESTED
DEVELOPMENT**
kl. 19.40 föstudaga

Michael Cera er aðeins 25 ára gamall en á nú þegar langan leiklistarferil að baki.

Cera er kanadískur en leiklistaráhuginn kviknaði þegar hann var aðeins þriggja ára og veikur af hlaupabólu. Þá horfði hann á myndina Ghostbusters aftur og aftur, þar til hann hafði lagt öll samtölin á minnið.

Fyrsta hlutverk hans var ólaunuð auglýsing fyrir sumarþúðir en í kjölfarið fylgdi Pillsbury-auglýsing, fyrsta hlutverk hans með tali.

Þar með var boltinn farinn að rúlla og hvert hlutverkið rak

annað. Cera fékk hlutverk í ýmsum sjónvarpsþáttum en hæst ber hlutverk hans sem George Michael Bluth í verðlaunabáttunum Arrested Development. Þættirnir stóðu yfir í þrjár þáttaraðir áður en hlé var gert á þeim í sex ár. Margir tóku gleði sína þegar tilkynnt var um fjórðu þáttaröðina, sem nú er sýnd á Stöð 2, enda hafa þættirnir ákveðinn „költ-status“.

Kvikmyndaferill Cera hófst fyrir alvöru þegar hann lék á móti Jonah Hill í myndinni Superbad frá 2007. Sama ár lék hann í krúttlegu myndinni Juno á móti Ellen Page.

Cera hlaut verðlaun sem besti nýi leikarinn það árið á verðlaunahátíð kvikmyndagagnrýnenda.

Aðrar þekktar myndir sem Cera hefur leikið í eru Scott Pilgrim vs. the World og Magic Magic, sem kemur út á þessu ári. Þá er kvikmynd sem gerð er eftir þáttunum Arrested Development í bígerð.

Cera lætur sér ekki nægja að leika í myndum heldur stendur sjálfur að ýmsum verkefnum, bæði stuttmyndum og þáttum á netinu. Hann hefur gefið út smásögur og er auk þess fjölhæfur tónlistarmaður.

OZ-ÍÐ ER ALLS STAÐAR

Íslendingar nota OZ-appið í sumarfríinu um land allt og er ljóst að áskrifendur Stöðvar 2 eru að upplifa eitthvað nýtt. Börnin horfa í bústaðnum, grillmeistarinn við grillið og veiðimenn við árbakkann svo dæmi séu nefnd.

OZ er samkvæmt nýjustu tölum sumarþjónustan í ár. „Það er augljóst að Íslendingar eru að nota OZ í sumarfríinu yfir 3G- og 4G-farnetið,“ segir Steingrímur Árnason hjá OZ.

Starfsmenn þjónustuvers Stöðvar 2 hafa einnig orðið varir við mikinn áhuga. Barnafólk virðist til að mynda duglegt að nýta þjónustuna og safnar barnaefni frá Stöð 2 og Stöð 2 Krakkar í stórum stíl. Börnin geta svo horft á það hvar og hvenær sem er.

„Það hefur greinilega komið að góðum notum sólarlausa daga í sumar. Þegar þreytan segir til sín á ferðalögum eða þegar veðrið býður ekki upp á mikla útiveru fellur það börnunum vel að kíkja á barnaefnið í OZ-inu,“ segir Ásta Reynisdóttir, forstöðumaður þjónustu- og áskriftardeildar Stöðvar 2. Kosturinn við OZ-ið er svo ekki síður sá að ekki þarf að stilla öllum upp fyrir framan sjónvarpið og láta börnin þannig leggja undir sig aðalrýmið í sumarþústaðnum eða þar sem er dvalið hverju sinni. Þess í stað geta þau horft á OZ-ið í iPad-inum uppi í koju, á notalegu svefnlofti eða jafnvel úti á palli ef vel viðrar.

„Einn viðskiptavinur okkar sagði dóttur sína horfa á Latabæ uppi í trjákofti. Það hlýtur að vera spennandi og segir kannski meira en mörg orð um hversu notendavæn þessi þjónusta er,“ segir Ásta. „Það er mjög gaman að heyra slíkar sögur. Þá hafa sumir sent myndir af aðstæðum þar sem OZ-ið virðist koma að góðum notum. Það er til dæmis alveg ljóst að einhverjir vilja vera með puttann á púlsinum þegar kemur að Pepsi-deildinni eða fréttum. Það að geta horft á dagskrána hvar sem er, við hvaða aðstæður sem er, yfir farnet 3G og 4G virðist greinilega nýttast áskrifendum mjög vel. Sérstaklega þeim sem vilja fá allt á rauntíma og fylgjast með á meðan hlutirnir eru að gerast. Aðrir taka hins vegar dagskrána upp og horfa við betra tækifæri.“

Af myndum sem Stöð 2 hefur borist er ljóst að áskrifendur eru að upplifa eitthvað alveg nýtt. Þar má meðal annars sjá veiðimann við árbakkann að horfa á beina útsendingu frá leik í Pepsi-deildinni og grillmeistara sem missir ekki af neinu úti á palli.



Hér má sjá veiðimann í Soginu sem fylgist með beinni útsendingu úr leik FH og Fram í Pepsi-deildinni. Áskrifandi sá sig knúinn til að senda myndina og þakka kærlega fyrir frábæra þjónustu.



MAGNAÐIR LEIKIR Í BORG-UNARBÍKARNUM

SPORT 31 júlí og 1. ágúst
Undanúrslit í Borgunarbikarnum
- Stjarnan-KR og Fram-Breiðablik

Leikur Stjörnunnar og KR verður afar forvitnilegur. KR vann Garðabæjarliðið í úrslitaleiknum í fyrra en sigurganga Vesturbæjarliðsins í bikarkeppninni er mögnuð. Stjörnunnar tókst í fyrsta skipti að vinna KR í Pepsi-deildinni á dögnum eftir árangurslausar tilraunir í mörg ár. Það er algjörlega ljóst að þessi leikur verður magnaður. Breiðablik og Fram mættust í úrslitaleik bikarsins árið 2009 og þar hafði Kópavogslíðið betur eftir vítaspyrnukeppni. Framarar eru orðnir langeygir eftir titli en Breiðablik er klárlega sigurstranglegrí aðilinn í þessum leik. Hins vegar er bikarkeppnin óútreiknanleg.



ILMUR VELUR BESTA SVARIÐ

BESTA SVARIÐ
Kl. 20.10 föstudag

Ilmur Kristjánsson mætir til Sveppa í Besta svarið næstkomandi föstudagskvöld. Ilmi til halds og trausts verða bróðir hennar, Sverrir Kristjánsson, og vinkonur hennar, Harpa Elísa Þórsdóttir og Silja Hauksdóttir. Það er ekki alltaf auðvelt að

vera gestur í Besta svarið og velja svör við spurningum á borð við: Hvað er ofmetnasta og leiðinlegasta leikrit allra tíma? Hvað ert þú líklegust til að afplána fangelsisvist fyrir og hvað myndir þú helst vilja láta lýtalækni laga?



BARA GRÍN MEÐ BIRNI BRAGA

Fjallað verður um nokkra bestu gamanþætti Íslendinga og skyggst á bak við tjöldin í þáttum sem hefjast á Stöð 2 í ágúst.

Þættirnir nefnast Bara grín og er um að ræða fimm þátta seríu, þar sem hver þáttur verður til-einkaður einni íslenski gamanþáttaröð sem sýnd var á Stöð 2.

Þáttaraðirnar sem fjallað verður um eru Fóstbræður, Stelpurnar, Vaktirnar, 70 mínútur og Steindinn okkar. „Við reyndum að velja þætti sem eru ólíkir innbyrðis,“ útskýrir Björn Bragi Árnason sem mun stýra þáttunum.

Bara grín samanstendur af viðtölum við þá sem stóðu að þáttunum en einnig verða sýnd brot af því besta. „Viðtölin eru mjög skemmtileg og margt nýtt kemur fram, til dæmis ýmsar sögur sem ekki hafa áður verið sagðar opinberlega,“ segir Björn Bragi.

„Við ætlum að kafa ofan í þættina. Ekki bara sýna bestu atriðin heldur skoða dálítið hvernig þættirnir urðu til, því þeir eiga sér allir dálítið skemmtilega sögu.“

Hann tekur dæmi um Fóstbræður, sem áttu erfitt uppdráttar í byrjun og þótti útséð um að þættirnir yrðu sýndir á sínum tíma. „Bæði það og svo hvernig þessi hópur myndaðist. Það er áhugavert hvernig þessar ólíku persónur náðu að mynda svo sterka heild og gera einhverja albestu grínþáttaröð Íslandssögunnar.“

Áhorfendur geta því leyft sér að hlakka til þessara þátta sem varpa munu nýju ljósi á þættina sem hafa komið okkur til að hlæja í gegnum tíðina.



STELPURNAR

Sketsaþátturinn Stelpurnar markaði viss tímamót í íslenski gamanþáttagerð. Konur eru í flestum aðalhlutverkum en þættirnir kallast á við bresku þættina Smack the Pony. Fyrsta serían af Stelpunum var sýnd á Stöð 2 árið 2005.



FÓSTBRÆÐUR

Margir telja þennan þátt einn allra besta grínþátt sögunnar og víst er að grínið hefur lifað gegnum árin. Sumir lifa jafnvel ekki heilan dag án þess að vísa í atriði eða karakter úr þáttunum. Fóstbræður voru á dagskrá Stöðvar 2 á árunum 1997-2001.



VAKTIRNAR

Georg Bjarnfreðarson og Ólafur Ragnar hafa markað djúp spor í þjóðarsálina og erfitt hefur reynst fyrir landann að hrísta talsmáta þeirra af sér. „Já, sæll.“

Fyrsta serían, Næturvaktin, var sýnd á Stöð 2 árið 2007.



70 MÍNÚTUR

Auddi, Sveppi, Pétur Jóhann, Simmi, Jói og fleiri félagar fóru á kostum við ýmis strákapör. Falin myndavél, man dagsins og fleira glens fékk að fljúga í gegn og líklega hafa fáir borðað jafnmikið Doritos-snakk á jafnskömmum tíma. 70 mínútur voru sýndar á árunum 2000-2005.



STEINDINN OKKAR

Sketsaþáttur með Steinda jr. Mönnum er enn ráðgáta hvernig maðurinn fékk allt þekktasta fólk landsins til að taka þátt í alls konar rugli. Eftirminnileg eru bakkelsisslagsmál Páls Óskars við Jóa Fel við höfnina. Steindinn okkar hóf göngu sína árið 2010.

31 ÞÁTTUR Á STÖÐ 2 TILNEFNDUR TIL EMMY- VERÐLAUNANNA

Listi yfir tilnefningar til Emmy-verðlaunanna hefur nú verið opinberaður. Verðlaunin verða veitt í september, en að vanda er stór hluti þáttanna sem eru tilnefndir sýndur á Stöð 2.



BREAKING BAD fær ellefu tilnefningar, þar á meðal fyrir bestu leikara í aðal- og aukahlutverkum. Eins fyrir besta dramapáttinn, handritsgerð og leikstjórn. Þættirnir fjalla um efnafræðikennara í framhaldsskóla sem

snýr sér að glæpastarfsemi til að sjá fjölskyldunni sinni farborða. Þættirnir hafa áður hlotið sjö Emmy-verðlaun.

GAME OF THRONES fær einnig ellefu tilnefningar, þar á meðal í flokki dramapáttá, leikara í aukahlutverkum, handritsgerðar og búningahönnunar. Um er að ræða fantasíu sem fjallar um sjö fjölskyldur sem berjast um yfirráð yfir hinu goðsögulega landi Westeros. Þættirnir hafa áður hlotið sex Emmy-verðlaun.



HOMELAND hlýtur tíu tilnefningar, þar á meðal í flokki leikara og leikkvanna í aðal- og aukahlutverkum, leikstjórnar og handritsgerðar. Þátturinn hefur áður hlotið sex Emmy-verðlaun.



MAD MEN hlýtur einnig tíu tilnefningar, meðal annars í flokki leikara og leikkvanna í aðal- og aukahlutverkum.



MODERN FAMILY fær líka tíu tilnefningar en þátturinn hefur hlotið mikið lof gagnrýnenda frá upphafi. Flestir hinna fullorðnu leikara eru tilnefndir fyrir frammi-stöðu sína í þáttunum.

STÖÐ 2 sýnir 31 af þeim þáttum sem tilnefndir eru til verðlaunanna. Fyrir utan þá sem taldir voru upp hér að ofan má nefna **THE BIG BANG THEORY**, **BOARDWALK EMPIRE** og **LOUIE**, sem hver um sig fær sex tilnefningar, **GIRLS** og **VEEP**, sem fá fimm tilnefningar og **GLEE**, sem fær fjórar. Auk þess hljóta þættirnir **ARRESTED DEVELOPMENT**, **THE NEWSROOM**, **HOW I MET YOUR MOTHER**, **NASHVILLE**, **SO YOU THINK YOU CAN DANCE**, **TWO AND A HALF MEN** og **2 BROKE GIRLS** tilnefningar, svo einhverjir séu nefndir.

Nánari upplýsingar um Emmy-tilnefningarnar má finna á heimasíðu hátíðarinnar, www.emmys.com.

MYND HELGARINNAR



SOUL SURFER
Laugardag kl. 20.45

Dennis Quaid og Helen Hunt í hugljúfri mynd um unga konu sem missir hönd eftir árás hákarls. Hún lætur það þó ekki stöðva sig og ákveður að ná frama í brim-brettaiðkun.

ROCK OF AGES
Laugardag kl. 22.30

Kvikmyndin er byggð á samnefndum söngleik og gerist árið 1987. Myndin byggir ekki síst á vinsælustu rokkötlist þeirra ára þegar hljómsveitir eins og Def Leppard, Journey, Poison, Twisted Sister og Foreigner áttu sviðið.



10 BIÓ Á STÖÐ 2 BIÓ

BIÓ TOPPMYNDIR
Kl. 22.00 alla daga

Miðvikudag

Be Cool

Framhald hinnar geysivinsælu gáskafullu glæpamyndar Get Shorty. Eðalkrimminn og snyrtipinninn Chili Palmer, leikinn af John Travolta, er búinn að fá sig fullsaddan af kvikmyndabransanum og ákveður nú að reyna fyrir sér í hörðum heimi tónlistarinnar. Líkt og fyrri myndin er Be Cool byggð á sögu reyfameistarans Elmo Leonard og er stjörnum hlaðin en auk Travolta leika í myndinni Danni DeVito, Vince Vaughn, Uma Thurman, Cedric The Entertainer, The Rock, Harvey Keitel og James Woods.



Laugardag

Bad Lieutenant - Port of Call - New Orleans

Spennumynd með Nicolas Cage, Évu Mendes og Val Kilmer. Rannsóknarlögreglumaður fær til rannsóknar flókið morðmál en sjálfur hefur hann ýmsa djöfla að draga og berst við eituryljá- og spílafíkn.

Sunnudag

The Pelican Brief



Spennumynd byggð á sögu eftir John Grisham með Denzel Washington, Julianna Roberts og Sam Shepard í aðalhlutverkum.

Mánudag

Wanderlust



Skemmtileg gamanmynd með Paul Rudd og Jennifer Aniston í aðalhlutverkum. Myndin fjallar um dæmigert par frá Manhattan sem

lendir í niðurskurði í vinnunni og flytur út á land. Fyrir tilviljun kynnast þau litlu sambýli hippa.

Þriðjudagur

Loftkastalinn sem hrundi



Þriðja og síðasta myndin í mögnuðum þríleik Stiegs Larsson um blaðamanninn Mikael Blomkvist

og tölvusénið Lisbeth Salander. Lisbeth er að jafna sig á spítala og bíður eftir að réttað verði yfir henni vegna þriggja morða sem hún er sökuð um að hafa framið.

Fimmtudag

The 41-Year-Old Virgin Who Knocked Up Sarah Marshall and Felt Superbad About It



Eins og nafnið gefur til kynna er hér á ferðinni gamanmynd sem gerir grín að vinsælum gamanmyndum síðastliðinna ára.

Föstudag

Prometheus

Magnaður vísindatryllir með Noomi Rapace, Charlize

Theron og Michael Fassbender í aðalhlutverkum. Hópur af landkönnuðum leggur upp í lífshættulegan leiðangur sem á endanum gæti svarað

spurningunni um það hvernig mannkynið varð til.

Stöð 2 Bíó fylgir frítt með áskrift að Stöð 2



SPORT Þriðjudaginn
30. júlí kl. 18.00

TOPPLIÐIN MÆTAST

Eyjakonur munu leggja allt í sölurnar þegar bikarmeistarar Stjórnunnar mæta í heimsókn á Hásteinsvöll í tíundu umferð Pepsi-deildar kvenna á þriðjudagskvöld. Eftir mánaðarhlé á deildinni vegna þátttöku kvennalandsliðsins á Evrópumótinu í Svíþjóð heldur ballið áfram.

Stjörnukonur hafa farið á kostum í deildinni í sumar og verið í sér-flokki. Liðið hefur unnið alla níu leiki sína, skorað 32 mörk en aðeins fengið á sig þrjú. Liðið grætur enn Íslandsmeistaratilinn sem félagið missti í hendur Þórs/KA og ætlar að koma honum vel fyrir á

nýjan leik í verðlaunaskápnunum í Garðabænum.

Eyjakonur hafa sýnt mikla þrautseigju í sumar. Hvert áfallið á fætur öðru hefur dunið á liðinu, allt frá því í vetur þegar lykilmenn yfirgáfu félagið, auk þess sem leikmenn hafa lent í erfiðum meiðslum með hækkandi sól. Liðið situr engu að síður í öðru sæti deildarinnar og getur með sigri minnkað forystu Stjörnukvenna á toppnum í fimm stig.

Eyjakonur verða að hafa góðar gætur á landsliðskonunni Hörpu Þorsteinsdóttur sem hefur farið á kostum í sumar. Harpa er marka-



hæst í deildinni með tólf mörk en skammt undan er liðsfélagi hennar Danka Podovac með níu mörk. Danka lék með Eyjakonum undanfarin tvö tímabil og hefur styrkt Stjörnuna til muna.

Eyjakonur þurfa að nýta sér hlaupagetu Shaneku Gordon ætli þær sér að stríða Garðbæingum. Gordon er erfið viður-eignar þegar hún tekur á sprett og það veit Þorlákur Árnason, þjálfari Stjórnunnar. Gordon var í gjörgæslu varnarmanna Garðbæjarliðsins þegar liðið vann 3-0 sigur á ÍBV í fyrri leik liðanna í fyrstu umferð.

VILD
er snilld



Byrjaðu strax að spara. Skráðu kortin ykkar núna á www.stod2.is/vild

ENN MEIRA FYRIR ÁSKRIFENDUR

50%
AFSLÁTTUR

50% afsláttur af Mongoose Switchback Expert 2013 hjóli. Aðeins 44.950 kr. í stað 89.900 kr. Eða 20% afsláttur af öðrum alvöru Mongoose hjólum.

12%
AFSLÁTTUR

12% afsláttur alla daga ef verslað er fyrir 2.000 kr. eða meira.

Til hamingju

með sjónvarp framtíðarinnar



Horðu á útsendingar Stöðvar 2 með iPad mini

Tilboð:
iPad mini WiFi 16GB + Apple TV

76.990.-*

Listaverð: 83.980.-



Með Apple TV er hægt að senda beint úr OZ appinu í sjónvarpið**

epli.is

Smáralind

Virka daga 11 - 19 / Fimmtudaga 11 - 21 / Laugardaga 11 - 18
Sunnudaga 13 - 18 | Sími 512 1330

Laugavegi 182

Virka daga 10 - 18 | Laugardaga 11 - 16 | Sími 512 1300

Birt með fyrirvara um prentvillur og verðbreytingar.
* Tilboð gildir til 16. ágúst 2013.
** Sjónvarp þarf að vera með HDMI tengi til að tengjast Apple TV.

Android 4.2 Jelly Bean

NEXUS 7

nexus⁷

TAKMARKAÐ MAGN Á LÆKKUÐU VERÐI!

Viðskiptavinir okkar eru mjög ánægðir með Nexus 7. Hún er ein af okkar vinsælustu spjalddölvum. Öflugur örgjörvi, kristaltær skjár og fallega hönnuð. Þynnri, léttari og meðfærilegri en flestar spjalddölvur.

LÆKKAÐ VERÐ

WI-FI 49.990

3G 64.990

32GB ÚTGÁFA



„Þetta er ekki ódýrasta Android spjalddölvun sem ég hef skoðað, en ekki heldur sú dýrasta. Hún er aftur á móti sú besta.“

Árni Matthiasson, Morgunblaðið

Valin spjalddölvu ársins

Samstarf Asus og Google hefur slegið í gegn á spjalddölvumarkaðnum og Nexus 7 hefur sópað að sér verðlaunum og góðum dómum. Tæknitimaritið T3 valdi hana spjalddölvu ársins.

Frábær ferðafélagi

Hvert sem ferðinni er heitið, er Nexus 7 hinn fullkomni ferðafélagi. Hún er eins létt og þær verða, aðeins 340 grömm, örþunn og fer lítið fyrir henni. Rafhlaðan dugur allan daginn, skjárinn spilar HD myndir í frábærum myndgæðum, netið er hraðvirkt og hentar vel til lesturs rafbóka.

Hraðvirkari með kröftugum örgjörva

Hraðinn skiptir miklu máli. Með Nexus 7 sér fjögurra kjarna Tegra 3 örgjörvinn til þess að öll vinnsla gengur hratt fyrir sig. Þú þarft ekki að bíða lengi eftir að forritin opni sig eða að síður á netinu séu lengi að hlaðast. Leikir virka eins og best verður á kosið vegna hins öfluga NVIDIA skjákjarna.

Kristaltær skjár

Hágæða HD IPS skjár með 1280x800 punkta upplausn með ótrúlegri litadýpt og skerpu. Skiptir miklu máli í leikjum og í spilun myndbanda að hafa góðan skjár.

Lengri rafhlöðuending

Eitt af aðalmerkjum Nexus 7 er rafhlöðuending. Hægt er að nota hana í allt að 10 klukkutíma á netinu og við lestur rafbóka og allt að 9 klukkutíma í háskerpu myndbandsafspilun.

800.000 smáforrit

Nexus 7 stenst itrustu vélbúnaðarkröfur sem þyngstu og öflugustu leikirnir og smáforritin gera. Nú er hægt að nálgast 800.000 ókeypis eða ódýr smáforrit í gegnum Google Play.

Það besta frá Google

Nexus 7 kemur hlaðin af öllu því besta frá Google. Hún kemur uppsett með Chrome vafranum, Gmail pósthforritinu, YouTube og Google+.

Android 4.2

Nexus 7 kemur með Jelly Bean sem býður upp á marga nýja möguleika. Einn þeirra er sá að ef margir eru að nota sömu spjalddölvuna á heimilinu, er hægt að stilla hana þannig að hver fjölskyldumeðlimur hafi sitt eigið svæði með sínu útliti og forritum.

YFIR 30 GERÐIR AF SPJALDTÖLVUM



OPIÐ
10-18
ALLA VIRKA
DAGA Í JÚLÍ

tl.is

TÖLVU
LISTINN

REYKJAVÍK
SUÐURLANDSBRÁUT 26
Sími 414 1700

AKUREYRI
GLERÁRGÖTU 30
Sími 414 1730

EGILSSTAÐIR
KAUPVANGI 6
Sími 414 1735

KEFLAVÍK
HAFNARGÖTU 90
Sími 414 1740

SELFOSS
AUSTURVEGI 34
Sími 414 1745

HAFNARFJÖRÐUR
REYKJAVÍKURVEGI 66
Sími 414 1750